

E impacto di fracaso Citgo ta pio cu e dolor di 1985

Tabata na 1984 cu un yamada a drenta na nos oficinanan y nos a ricibi un di e noticianan mas pisa den nos historia. "Lago ta bay cera su portanan," tabata e anuncio cu nos a ricibi pa comunica na pueblo di Aruba.

Inmediatamente nos a drenta den contacto cu representantenan di Aruba den e ultimo gobierno Antiano na cual Aruba a participa pa a ricibi confirmacion di loke tabata parece imposibel.

Nos tabata parti di e pueblo cu a biba cu e impacto di 1985 y nos tabata sa kico tabata spera pueblo si un proyecto grandi manera Citgo a fracasa.

Nos tabata hunto cu Aruba, cu a yora ora e ultimo pito di Lago a resona y a marca un herida den alma di e pueblo. Hendenan a bandona Aruba. Famianan a wordo kibra. Ta manera un rayo a destrui tur speranza di e pais, cu tabata na entrada di su Status Aparte.

Hamas Aruba a recupera di e salida di Lago. Ni e ampliacion di turismo por a trece e base solido di Lago.


Turismo por a trece un cambio pa Aruba, cu mester a haci inversionnan propio pa por a lanta para atrobe. Aruba mester a para garantia pa e prome companianan cu a yega y a establece nan mes na e pais cu a perde un industria.

Lago a bira sumamente sentimental pa Aruba tambe. E forma con un pais por a cay den un rato, a keda pa semper den memoria di tur cu tabata presente.

Esaki tabata e motibo grandi tras di nos esfuersonan pa trece e berdad pa Aruba prome cu comunidad a sufrir di e resultadonan.

Na tur forma, gobierno anterior tabata sigui fomenta speranza sabiendo cu ta soño peligroso el a entrega na Aruba, cu awe den un crisis financiero mester busca un salida.

E hecho cu Lago a cera na



1985 a laga e pais sin economia, pero awe Aruba ta keda sin e monster ficticio cu segun gobierno Mike Eman lo a trece un recuperacion economico total pa Aruba.

Na 2016, conociendo tur e peligrosnan asocia na e proyecto, gobierno Mike Eman a pone hendenan pensa cu nan tin un futuro. Nan a cuminsa haci gasto. Nan a cuminsa pensa cu economia tabata bay crece

na un forma espantoso.

Awe nos ta sigui papia cu Arubianonan cu a prepara nan mes pa un temporada cu hasta a invita Arubianonan den exterior pa bin traha na Aruba, mientras na Aruba mes tabata tin hende cu a adapta nan bida na un speranza falso.

Awe den un crisis provoca pa un debe nacional, ta bolbe kita tur speranza for di un pueblo cu no tin e recursunan cu na 1985 nan tabata tin ora Lago a bay.

Ta for di despues di elec-

cion 2014 gobierno mester a tuma medida y Aruba a cuminsa ta biba cu mas gasto. Awe ta cu un peso di paga un debe horibel, Aruba mester ahusta na un situacion sin Citgo.

Loke a pasa Aruba awe ta pio cu na 1985, ora gobierno a anuncia pueblo cu Lago ta bay y no a sigui alimenta speranza falso den pueblo.

Ta di lamenta loke gobierno anterior a haci cu pueblo, cu politiconan mester sirbi y no uza na nan interes.